


津田文庫  
文庫 1  
1521  
42





朝麗體金膏卷五  
拜颺集

上海圖書館藏

浙省五十年緩征

梁國治

浙省再緩征

梁國治

豫省展賑

胡季堂

東省展賑

嵇璜

東省緩征

劉墉

閩省蠲緩

藍

朝麗體金膏卷五目

一

010190607955

嘉義縣義民謝恩

福康安

重宴鹿鳴

譚尙忠

耕藉優敘

蔣賜榮

耕藉賞花翎

蔣賜榮

謝

多羅質郡王

賞四庫總纂綴疋等

謝

畢沅

賞鹿肉

紫禁城騎馬謝摺

彭元瑞

賜雙眼花翎謝摺

于敏中

敘賞四庫提調纂修謝摺

親王

欽賜福字鹿肉等物謝摺

賞貂皮褂謝摺

御賜壽額佛像如意冠服朝珠荷包

孫士毅

賞內城房屋謝摺

孫士毅

恩命協辦謝摺

彭元瑞

賞黑狐端罩謝摺

彭元瑞

擢授光祿寺卿謝摺

陸錫熊

賞穿黃馬褂謝摺

畢沅

補禮部右侍郎謝摺

朱珪

恩諭照尚書請封謝摺

彭元瑞

恩賞母氏緞貂謝摺

姚棻

賞內城房屋謝摺

彭元瑞

紫禁城內騎馬謝摺

李紱

原銜充口講起居注謝摺

彭紹觀

賞廓爾喀貢家馬詩墨刻謝摺

親王

浙省五十年緩征

大學士

臣梁國治等謹

奏為恭謝

天恩事乾隆五十年十月初十日內閣奉

上諭福崧奏仁和等十七州縣並杭嚴嘉湖二衛田

畝歉收請將應徵漕米錢糧等項分別緩徵等語

本年浙西一帶雨澤愆期田禾間有被旱之處收

成不無歉薄民力未免拮据所有仁和錢塘海寧

餘杭臨安嘉興秀水海鹽於潛石門桐鄉烏程歸

安長興德清武康安吉等十七州縣並杭嚴嘉湖

二衛歉收田畝應徵地漕錢糧者加恩緩至五十一年麥熟後徵收其漕米及舊漕截等銀亦著緩至次年秋成後徵收新舊帶運以紓民力該部即遵諭行欽此欽惟我

皇上

德隆情幕

化浹區敷

即田功于斗粟寸絲所其無逸

播休徵於五風十雨乃亦有秋間逢郡縣偏災定

沐

恩施曲逮蠲輸給種于春夏早厘秋成

截漕賑饑由交豫遞推淮甸維茲浙右永興餘米之鄉偶少雨膏歲歉滯遺之利仰荷

皇慈廣被

詔命覃敷核十七屬而均霽借新舊徵而並緩三時望歲

帝知稼穡之艱百室棲糧民免追呼之擾水滂旱乾不為患雖歉收如遇豐登布縷粟米皆無徵惟

損上乃能益下。秋風高。廩田歌。總浙水東西。夜

火新春。鼓腹遍茅簷。土女雨珠。雨玉信。

聖人之如天。多黍多稌。維

君子之有穀。臣等近依

禁階。早奉

綸音。謀稻梁于田間。供依惟正。沐

恩波於天上。申錫無疆。昨歲餘糧。猶記

巡軒之賜。復今茲納稼。重蒙

盥食之容。饑想白粲盈家。依然豫大豐亨之象。計

丹綸到日。莫罄衢歌巷舞之歡。愿八埏共慶金穰

如百穀當流膏雨。惟四時長調玉燭。冀來年早

獻嘉禾。所有臣等感激微忱。云

上諭上年浙西杭嘉湖三府屬之仁和等十七州縣

浙省再緩征

大學士 臣梁國治等謹

奏為恭謝

天恩事乾隆五十一年正月初三日內閣奉

上諭上年浙西杭嘉湖三府屬之仁和等十七州縣  
並杭嚴嘉湖二衛得雨較遲收成歉薄業經降旨  
將應徵地丁漕項銀米緩至次年分別帶徵以紓  
民力第念今春東作方興農民播種翻犁未免尙  
形拮据著再加恩將杭嘉湖三府屬之仁和錢塘  
海寧餘杭臨安於潛嘉興秀水海鹽石門桐鄉烏

程歸安長興德清武康安吉等十七州縣並杭嚴  
嘉湖二衛再行緩徵至秋收後按例徵收並查明  
實在貧民酌借口糧籽種以資接濟等因欽此欽  
惟我

皇上

韶禧錫羨

壽萬延洪

調玉燭於當陽獻歲而日方紀丙

肇金穰於祈穀迎郊而春叶由庚爰

來令於元辰載

頌恩於九省鄉稱魚稻旱乾時偶遇歉收歲免租庸

東西浙既霑殊渥而迺

宵衣旰食青陽則早雁春犁暮葉杏花繡陌則羣催

農扈

憫饗殮之不繼按口輸糧

知稼穡之維艱釐民給種想含哺而擊壤八政為

先當荷鋪其成雲三時不失行民力莫非

帝力仰



一人以食。農人處處棲糧。鳧茨悉棄。聲聲布穀。種陸分擎。八口數口之家。比屋而歡。騰土鏗。干耜維耦之衆。新畝則秀。遍秧鉞奏。庶艱食。

君子之民。皆有穀。誕降嘉種。

聖人之澤。本如天。臣等身被

龍光。面承

鳳綵。計農書之協至。

行慶萬方。瞻

眷藻之裁成。先春二日。男耕女饁。迎釐遍於垓瀛。巷

舞衢謠載

德竊維桑梓。聽田間之告。語郡有嘉禾。溯

上天之恩波。湖真明聖雨。曷煥寒各以叙。當新年共

祝

萬年。麻麥菽粟無不登。願大有長。書九有所有。臣等

感激下悃。謹合詞繕摺恭謝。

天恩伏祈

聖鑒謹奏

豫省展賑

臣胡

臣蔣

跪

奏為恭謝

天恩事本月初六日內閣奉

上諭豫省開封衛輝等屬頻歲不登上年入春後雨澤愆期麥收失望夏秋雖經得雨田禾究未免歉薄業經節次降旨蠲賑頻施閭閻日食有資不致復虞失所惟是積歉災區元氣未能驟復今春青黃不接之時農民生計未免尙形拮据著再加恩將被旱較重之汲縣等五屬極貧下戶於今春賞

給兩月口糧其被旱稍輕之延津等九屬極貧下  
戶賞給一月口糧至秋災較重之歸德府屬四屬  
無論極次貧民俱著展賑兩個月其秋災稍輕之  
歸德彰德府屬無論極次貧民俱著展賑一個月  
再開封等府州屬上年雖勘不成災而秋成止有  
五分現屆青黃不接如有拮据貧民亦著酌借口  
糧接濟以待麥秋等因欽此欽惟我

皇上壽字熙春

惠心孚吉啟書陽而錫羨辰擇初辛臚繡旬以綏豐

申

頒令甲維中州穀宜五種值春月序屬三陽租庸  
賜復數百萬

帑藏繼蠲儲峙

籌民億兆姓盈寧有賴數

溫綸於昨歲久濃黍雨之膏告穰兆於去冬渥被穀

楮之積固已香傳餅餌盈疇鋪碧綠之交猶

厪戶有困倉丸黼裕青黃之接合廿六屬而皆徧戶

版分稽酌一兩月以有加賑楮各給炊皆溢甌

喜齊登春日之臺廩許借糧都飽喫豐年之飯

恩波深洽借河潤以孔長闡澤旁流共淮源而俱遠  
德會八方之風雨

心周萬戶之饗餐政在養民

福用敷庶先七日為人八日為穀

皇之四海如春樂舍哺而嬉鼓腹而遊地在九州曰

豫臣等身隨

輦草誼切鄉粉益韶祉於王春

一人有慶卜農祥於樂歲百穀用成寄語西疇共勤

春作秬興之候雖依

北闕如棲晨炊稻熟之香感極銘心歡陳果腹幸海

宇長遊仁壽祝

釐同嵩少之山願來牟早獻登豐書瑞遍淇園之竹

所有臣等感激下忱謹合詞繕云

東省展賑謝恩

奏為恭謝

天恩事乾隆五十一年正月初六日內閣奉

上諭上年山東兗曹濟寧等府州屬雨澤愆期被旱  
成災業經降旨賑卹緩徵俾窮黎口食有資不致  
失所第念今春正賑已畢青黃不接之時仍恐民  
食不免拮据著再加恩將被災七八分之極次貧  
於例賑外再展賑一月以濟民食其六分災之貧  
民及勘不成災之德州等二十九州縣並坐落衛

地著該撫查明實在無力農民酌借一月口糧以資接濟至該省散賑需出米石甚多卽勘不成災各州縣亦需借糶兼行所有截留南漕二十萬一千餘石尙恐不敷給發又豆石一項亦爲民間口食所必需著再加恩將東省本年應運通米豆儘數截留該撫務飭所屬實力妥辦以副朕軫念窮黎恩加無已之至意該部卽遵諭行欽此欽惟我

皇上治洽昌辰

恩覃壽寓

迎韶布令

芸生涵木德之仁。

錫福綏和粒食裕茅簷之樂澤下尺而苗上尺芳騰

正潤乎祥彙乾大生而坤廣生淑節卽邀夫

閭泐惟東省雨愆昨歲致西疇獲遜豐年正賦積

逋早荷徵收之逋緩盈倉億庾更蒙

恩賚之鴻龐茲逢綺序初開

綸言特賚俾饗食以共給秋冬春已閱三時

念饁餉之或艱上中下恐虛二輔用優賑卹均霑之

例

加賜新陳交接之時。

惠鬯甘霖。期增浹月。凡被災七八分以上。悉計口而授餐。及其餘廿九屬之多。並順時以貸粟。當此

春臺日麗。戶盈白粲之藏。佇聞夏隴風香。穗觀

黃雲之茂。千餘里歡聲洋溢。長占時雨時暘。

萬斯年景祐綿延。益慶餘三餘九<sub>臣</sub>等身叨祿。稽誼

切鄉粉沐

聖澤之頻滋膏霑青壤際

春祺之溥錫

詔沛丹霄。合朝野以臚懽。願書大有而歲多黍稌。先耆童以洽喜。惟祝

洪禔而算衍京垓。所有<sub>臣</sub>等感激下忱。謹合詞具摺

恭謝

天恩仰新

聖鑒謹奏



安徽展賑

大學士臣稽璜等跪

奏為恭謝

天恩事乾隆五十一年正月初三日內閣奉

上諭上年安徽亳州蒙城等州縣雨澤愆期被旱成災業經降旨賑卹蠲緩俾窮黎口食有資不致失所第念今春正賑已畢青黃不接之時民食恐不無拮据著再加恩將被災較重之亳州等十九州縣被災九十分貧民無論極次於正賑後再行加賑一個月此內亳州蒙城太和泗州盱眙天長五



河宿州定遠靈璧等十州縣均係積歉之區著將被災八分極貧加賑一個月所有衛所饑民及貧生兵屬並著一體加賑其餘被災五六七八分貧民及勘不成災地方有應行酌借口糧籽種並減價平糶之處著該撫察看情形酌量辦理至該省散賑需用銀兩甚多除鳳陽蕪湖兩關本年應徵稅銀准其留用外著戶部再于就近酌撥銀一百萬兩照例解往以備賑卹之用再該省應解還江西截卸漕米價銀二十二萬餘兩該省現在賑項

不敷此項銀兩無庸移解著江西省將墊買米價作正開銷等因欽此欽惟我

皇上下德懋昭

湛恩普洽

裕利用厚生之至計九垓同慶盈寧

推給求養欲之良規億載長躋仁壽五日風十日雨

方廣

錫以春祺千斯念萬斯箱乃

特施夫閭澤惟昨歲偶愆雨澤致兩江稍歉田收上

厓

聖懷屢邀

渥賜逋征而蠲正賦給賑而發神倉固已戶飫盤餐  
儉歲無殊於樂歲亦且雪滋隴麥熙春共快乎

逢春韶啓青陽

恩頒丹詔

曠典用昭逾格

惠心益驗有孚俾江淮千里之民暢草木羣生之樂  
災黎八分九分以上賑加一月兩月而贏食陳

可以接新早慰籌車之祝飽德何妨屬饜倍形  
手足之實卽勘不成災嘉種與口糧並給更澤  
無弗被寒儒偕衛戶同霑

睿慮周詳務極甘澍醴膏之大沛民生熙皞愈効歌  
衢擊壤之愚忱臣等誼切桑榆班趨鷓鴣捧

絲綸而洽喜正際始和布令之初先畎畝以騰歡共  
徵大有書年之兆惟有加無已

輦鴻圖而景祐彌延當與物同春

總壽萬而綏豐溥遍所有臣等感激下忱謹合詞繕

摺恭謝

天恩仰祈

聖鑒謹奏

*[Faded vertical text, likely bleed-through from the reverse side]*

五十一年東省緩征

臣劉墉等謹

奏為恭謝

天恩事乾隆五十一年四月十四日奉

上諭明興奏濟南泰安東昌等屬得雨未能深透等

因欽此欽惟我

皇上德被該

恩符靈

茂時育物溥天之闔豫方深

養欲給求比尸之輸將恐後當時雨時暘之候乃猶

塵念方隅於餘三餘九之謀務使偕滋  
至澤維東省沃腴之壤偶未透夫膏霖致南訛長養  
之辰遂稍騰夫穀價

帝心廣運

恩詔聿頒凡九州縣民田及各坐落衛地逋仍存舊  
稅緩貢新悉安東作之勤戒追呼以勿擾概俟  
西成之稔分露積而同徵貽我來牟私慶盈倉  
之玉粒痔乃錢鋪佇呈萬寶於金風在昨歲  
福錫駢臻咸樂饗殮之裕矧此日

惠孚元吉益形俯仰之寬臣等蒙霽忱殷桑粉誼切  
捧

絲綸之下賁合海岱以騰歡荷雨露之均霑先耆童  
而洽喜紆力而彌思盡力預卜黍與稷翼之豐  
厚生而更

賜廣生倍彰浹瀰淪肌之效薰風所被五絃用播夫  
虞琴化日方長億載咸歌夫

軒紀所有臣等感激下忱謹合詞具摺恭謝  
天恩伏祈

聖鑒謹奏

臣等竊以  
 國家設官  
 分職各守  
 其司惟是  
 禮部侍郎  
 藍等謹

閩省蠲緩

禮部侍郎藍

等謹

奏為恭謝

天恩事內閣奉

上諭臺灣辦理軍務漳泉等府屬應付浙粵滿漢官  
 兵及四川湖南貴州各兵兼之糧餉軍裝鉛藥等  
 項絡繹過境差務甚繁資用民力之處最多茲屆  
 春祺普錫之時大功即日告竣自宜特沛殊恩以  
 示優卹所有泉州漳州八縣本年應征錢糧着加  
 恩蠲免十分之三其浦城等十二縣應征錢糧着

蠲免十分之二福興等七縣所有應徵錢糧着緩至五十四年麥熟後徵收等因欽此欽惟我

皇上

仁周遐宇

惠洽羣生建益安益治之宏謨乾行不息施引養引恬之實政兌悅無疆凡屬舍齒戴髮之儔生成各遂越在瀕海負山之壤樂利均沾近以臺郡滋奸致煩大兵遠勦籌糧發帑累不及乎閭閻挽粟飛芻誼畧申于黎赤迺蒙

聖慈

垂軫

念其奔走之微勞叠邀

溫旨遙頒慮及輸將之竭蹶軍營爰駐旣全蠲稔積之徵戎旅攸經復遞減租庸之賦荷

殊施于

綸綍至再至三慶餘積于倉箱斯千斯萬梟徒旣剪

懽聲隨凱奏以俱騰蟻悃知  
恩喜氣共春風而並暢臣等職聯

楓陛誼切桑邦合茅簷蔀屋以摠情傾葵共向仰

舜日

堯天而飽德結草難護所有臣等感激下忱謹合詞

繕摺恭謝云

云

將軍臣福謹

奏為據情代

奏恭謝

天恩事竊嘉義縣久被賊圍義民等捐貲助餉竭力

堵禦得以保固無虞臣奉到飭次

褒獎義民及蠲免錢糧

恩旨傳各義民首面為宣諭將諸羅縣改為嘉義縣

俾閭縣良民倍加勸勵該義民首等跪聆之下

感激涕零詞色實為真切並據黃奠邦等呈稱

奠邦等籍隸臺灣世居邊徼百年生聚荷敷澤  
之涵濡四海恬熙沐

湛恩之汪濊家安耕鑿戶慶盈寧不因物產豐饒稍  
加科則每以海疆遼遠

特沛恩膏凡此負性含生無不淪肌浹髓詎有林爽  
文者潛謀蟻聚漸肆鴟張憑陵巖邑積新未徙  
原無曲突之謀滋蔓難圖遂有燎原之勢閭邑  
居民等人懷義憤力挫兇鋒皆思為  
國捐生不惜毀家紓難四邱出甲頓增組練之光

衆志成城屹若金湯之固乘障戍兵已憊久望  
援師近郊賊壘增多難通讓道重圍五月應手  
而解仰賴我

皇上惠洽黎元恩周海宇共仰生成之大德冀酌怙  
冒之深仁如子弟之衛父兄情難自已況小民  
之親

君上分所宜然乃蒙愷澤覃敷  
恩綸下賁特旌義舉用錫嘉名  
丹詔十行永作愚氓之勸勵



天題兩字。寵逾華袞之褒榮。茲值賊燄潛消。欣覩  
 王師大捷。掃妖氛于雷雨之夕。過若風絕。極寇城于  
 水火之中。驚從天降。乘等而盡。殲狐畏。逐奔而  
 生。縛鯨鯢。從此人慶更生。農皆安業。猶復切如  
 傷之視。常賦頻蠲。共推獎善之心。微勞必  
 錄。歡騰茹屋。感切葵衷。縱量瀛海之深。莫喻  
 恩波之廣。惟有輯和隣里。成臻熙皞之床。頌祝  
 岡陵。永享昇平之福。敬陳蟻悃。叩謝  
 鴻慈等語。臣已逐加慰諭。允為奏謝。云

臣紀昶等謹

奏為恭謝

天恩事內閣奉

上諭上年直隸保定河間天津順天等府屬各州縣  
 因夏秋雨水較多。河流漲發。田禾被淹。成災節經  
 降旨銀米兼放。令該督實力撫卹。分別賑濟。小民  
 自可不致失所。第念今春正賑已畢。青黃不接之  
 時。民食恐不無拮据。着再加恩。將順天天津府屬  
 二十一州縣成災七八分之極貧。並九分災之極

次貧民俱展賑一涸月以資接濟其成災八分以下各州縣及勘不成災地方仍着該督察看情形或酌借口粮籽種或減價平糶分別籌辦等因欽此欽惟我

皇上仁育堯封澤先禹甸郊圻相接近依日月之光華游豫時經每荷春秋之補助儲蓄久裕常贏於耕九耕三豐歉無虞寧計夫斗千斗百盈虛有數五星或異其饑穰

撫恤頻加三輔同登於仁壽粵惟前歲六七月暑雨

收穫本未成災

睿慮周詳亦周加惠蓋惟

心同

天地恐一物之或遺所以

恩逮蒼黎寧多施而過厚允生成之廣被真感激之

難名臣等仰戴

仁天同遊

化宇萬年有道恭逢

八表之開四海同春喜值三陽之盛十八省

皇輿之內方欣正賦之全蠲五百里甸服之中更荷  
鴻施之徧渥乾坤宏造知莫酬高厚之  
恩葵藿微誠惟共祝綿長之

壽。所有感激下忱謹合詞繕摺恭謝云云

偶多致被餘波甘二邑秋禾微捐飛告入生富  
稷奏之方

間。

溫綽先頒遽

堯咨之已切

詔舉拯荒之政蠲貸兼施

救申守土之臣粟金並發神倉白粲分沾蠲舍漁庄

官庫朱提徧逮衢童壤嬰三農食

德人人酌太極之泉四郡熙春處處奏長生之頌

日福徵保定用敷錫以福民從知壽卜延洪因  
推行而壽世固已黃圖之胥慶樂利無窮何期  
丹綽之重申滋培靡已

念彼犁扶綠野雖穀雨之將臨計其鏤刈黃雲尙麥

秋之未至初開歲首或虞上誦之艱

特布春祺用展三期之賑吳秬飯玉原宿飽之有餘

越稻升香更加餐之相勸蒸藜炊黍益增餉於

東籓望杏瞻蒲倍殫勤於南畝至於高原下隰

或疆界之相連伏雨闌風偶禾苗之稍浥良農

雲南巡撫臣譚尚忠謹

奏為舉人重遇鹿鳴請廣

皇恩一體與宴以昭盛典事竊照乾隆己酉鄉試正

科欽奉

恩旨于五十三年八月預先舉行茲有臨安府屬石

屏州舉人賽璣由府學附生中式雍正己酉科

鄉試舉人曾任四川珙縣知縣四籍以來已經

三十載現年九十二歲屆當本年八月再遇舉

行己酉科鄉試該州詳請重赴鹿鳴筵宴批司

詳核前來 臣欽惟我

皇上日星為紀雲漢作人五十三年之雨潤風和群

安

壽宇一十八省之珠聯璧合共慶

熙臺茲值賓興喜徵人瑞如臨安府舉人賽璵者志

奮丁年名題乙榜宰邑而思明試吏版曾登歸

田而勵純修鄉評悉協鳳輝夙覽歲將近平期

頤鹿宴今開序適週乎甲子遊嘉辰以合衍命

宿德以偕遊鼓瑟吹笙令典榮符于千叟需雲

湛露

恩光願奉千萬年臣職備監臨心欽樂愷切念文闈

盛事嘉溢邊隅均因

聖澤遐敷光增斗極所有該舉人籲請重赴鹿鳴筵

宴緣由合先據實恭摺具奏

臣蔣賜棨等謹

奏為恭謝

天恩事本月初六日奉

旨本日舉行耕藉適值天氣晴明一切典禮辦理均為妥協所有執事之大臣官員人等均着交部議敘順天府係承辦衙門除蔣賜棨已經賞戴花翎外仍與吳省欽一并交部從優議敘欽此欽惟我皇上政洽有恒訓垂無逸寰宇並躋夫壽域黼黻三登耆黎共樂平春臺騰酌萬井計得酒乞漿之

歲小卯宜耕。恰佳晴既雨之朝。元辰協筮青同。夙駕農祥正現。

方壇。集耜從公。田畯願勤終畝。敬治一撥。祇候。

三推原隰。告平久甯。流膏之澤。陰陽應敘。不需問喘。之勤播穀。種以盈箱。萬箱肇慶。奏禾詞而結耦。千繭臚歡。頌至健之。

天行純常。益懋仰先勞於。帝力作息。毋怒猥承。董勸之殷。得與奉鞭。獻種方切。駑駘之媿。僅網掃路。清塵何意。

殊恩遽叨。優敘光依。日月行康。強逢吉之壽。利溥農。桑矢明作。有功之悃。邀榮逾格。循分難安。所有。臣等感激。下忱云。

臣將賜榮謹

奏為恭謝

天恩事竊臣於三月初六日以兼管順天府府尹承辦

親耕藉田事宜於耕次荷蒙

皇上

天恩

賞戴花翎臣聞

命之下感激惶悚莫可名言竊臣世受



國恩兼司京兆。凡一切掃除供頓。本屬分所當為。方

懼辦理未周。乃於慶洽寰中之日。仰沐

恩施格外之隆。金花耀首。特增異於班聯。翠羽垂纓。

儼趨陪於

禁近。臣雖生平夢想而實未敢希冀。今曲荷

殊恩。適如所願。歡欣無措。感戴難名。惟有竭盡駑駘

益加勤謹。奮勉以冀仰報

高厚

鴻慈於萬一。所有臣感激云云

多羅質郡王臣承等謹

奏為據情代奏恭謝

天恩。事據四庫全書處總纂官陸錫熊紀昀總校官

陸費墀呈稱。二月二十九日奉

諭旨。總纂官陸費墀陸錫熊紀昀均已加恩擢用。但

纂辦各書均為出力著賞。給緞疋荷包筆墨紙硯

以示獎勵。欽此。竊熊等業祇視田學疎筆織交成

纂組。慚無貫佩之詞。紙落雲煙。更謝揮毫之手。

緝西陽之秘籍。玉宇容窺備

之夜之

震觀金根時悞五年麤歲方虞校勘之多疎

三錫頻霑久愧寵榮之逾分何意諸臣之考績各錄

微勞復茲一體之蒙

恩更邀優賜衣裳在笥燦錦緞之七襄盤悅增華耀

繡囊之雙佩白凝蕉葉試寶墨於龍寶紅膩桃

花拂仙毫於虎繭宣來

金闕奇光鬪園客之絲捧到玉堂高價重文房之譜

榮直逾於常格喜自倍於恒情況乎

恩出特加名由

垂念彤廷引奏未剖列於螭坳黃閣傳宣乃聯題於

鳳詔措躬無地真負愧以多端聞

命自

天竟加人<sub>能</sub>以一等光榮莫比銜感彌深<sub>能</sub>等惟有勉

竭葵心速編雲笈勤懷鉛槧益殫矢報之精誠

冀效涓埃稍答非常之

寵遇所有感激微忱呈請代奏等情<sub>臣</sub>等理合據情

代

奏云

陝西巡撫臣畢沅謹

奏為恭謝

天恩事本月二十二日臣賚摺差并回陝奉到

恩賞鹿肉一匣當即出郊跪迎恭設香案望

闕叩頭祇頌訖竊臣猥以凡材仰承

殊眷

恩施優渥

賞賚便蕃飫蒙豢養之隆時益素餐之愧茲者高秋

候肅大漠垆開

上蘭陳表貉之儀甫草肆從禽之典臣伏念

機廷奉筆紫塞從

園事雖隔於星霜情實領夫葵藿方愧

蜺旌豹尾三驅之

扈從多違何期細柳長楊十賚之

恩輝早被清霄湛露甘分詐馬之筵

翠幕雲需寵溢獻豳之會榮滋燕喜感切

龍光惟願食德飲和躋羣生於仙圃吹笙鼓瑟播

恩既於工歌所有感激下忱謹繕摺云云

臣彭元瑞謹

奏為恭謝

天恩事本月初二日奉

旨彭元瑞著在紫禁城內騎馬欽此竊臣質駑最下

才蹇無奇久邀芻秣之

恩曾鮮馳驅之効身依仗豹天閑忝賞於驪黃道仰

飛龍下乘難供於鞭策勤每慚夫過隙想敢動

以因風

詔許趨朝得從按騎齒非加長實維逾格之施步本

未工彌切殊常之感廻思當賤曾甘重繭之勞  
敬矢在公勉竭兩驂之力冀少酬夫葭豆益自  
謹其轡銜竊幸遊

門學疲羸之十駕願同在廐頌福祿於萬年所有感

激云

云

謝世襲一等輕車都尉

于敏中

臣未嫺軍旅幸際師貞凡屬長篇短札之手書  
悉承一室萬里之

指示每慚無瑜之足以揜瑕深惜非福之莫由受

寵非惟榮及其身抑且

賞延於後惟有並勗臣孫以頂戴於世世更勵臣志

以啣結於生生



謝 賜雙眼花翎

于敏中

竊臣 屢荷

寵榮時深頂戴冠加上采足誇貂珥之非崇服賁中  
黃祇懼鶴梁之不稱越寢興而銘佩顧形影以  
悚惶何期

溫綽之再宣特晉花翎於雙眼仰

國朝之昭度秩惟表夫宗公稽

冊府之酬庸

賞獨隆於上將臣技慙翰弱績遜鷹揚曾無毫髮之

微勞猥荷駢連之

異數圖開麟閣華綏恰相映而三。武接鳳池藻飾竟  
會逢其偶若朝陽之翔翮羽罕能比此文章如  
順風之遇鴻毛安足方斯遭際昨叨

優眷已忻願慕之獲償茲拜

殊褒實爲夢想所未及

恩並泰山而更重躍同鳥雀以尤殷感益難名報將  
何極惟有愈圖奮翮倍効啣環冀答有加無已之  
洪慈庶中永矢弗諉之下悃

親王臣謹

奏爲據情代奏恭謝

夫恩事據四庫全書處提調官稟吉王仲愚纂修官

呈黃軒等呈稱二月二十九日奉

諭旨夢吉王仲愚章寶傳黃軒平恕鄒炳泰陳昌齊  
莊通敏王嘉增吳壽昌陳初哲郭長發俱著以應  
陞之缺列名在前陞用庶吉士汪如藻著卽授編  
修毋庸散館勵守謙著加恩授爲編修至陸費擘  
陸錫熊紀昀雖均已加恩擢用但纂辦各書均爲

出力著賞給緞疋荷包筆墨紙硯以示獎勵其現在引見之提調纂修等員亦著一體分別賞給欵此竊夢吉等材同樗櫟學陋虫魚獲襄職於蓬仙徒羨望洋之富幸分華於藜火惟虞掃葉之疎當五載之方周心方尚慚於玩愒洵萬分之何補年勞敢覲於叨蒙何圖奏課之屆期忽荷

深慈之曲逮綴清班於玉陛綠簽引而許覲恩光注上考於石蒼黃紙題而驚傳

異數超停年之舊格僉名則許厠前行減磨勘之新

資破例則迥逾常等亨衢直上九萬里已仰近雲霄佳話新添十二人偏霑

雨露至如蒸職除芸館免趨教習之廳守謙榮復水銜竟盡洗愆尤之籍詎能期於夢想實莫報於沿埃况復擎嘉綺之陸離佩荷囊之璀璨文房臚秀想

頒從香案之前冊府呈珍喜捧欠少蓬之後凡此叨榮而無已倍爲揣分而難安在

聖主恩出非常準麟臺而從無故事念微臣職思自



刊藏集  
稱撫蠹簡而彌稟私衷。惟有益勵。恒忱。常勤。釐訂文章。報國庶葵藿之稍抒。夙夜在公。冀縹緲之速。歲所有感。敷下忱。呈請代

奏等情云

云

湖南巡撫臣

謹

奏為恭謝

天恩事。乾隆五十一年正月初三日。臣標員賁稽差。回敬捧

欽賜

御書福字并鹿肉。狍肉。山雞到境。臣當即郊迎。至署。恭設香案。望

闕叩頭。祇領。訖伏念。臣浙省庸材。至愚極陋。荷蒙恩命。甫任封圻。方慚報稱。未能正切。悚惶靡已。何期

寵賁忽逮寒微撫辰正啓夫青陽拜

賜登承於

紫禁雲箋煥彩真成

福自

天中仙脯流馨更幸

澤隨春至擎來

寶翰欣瞻星日之華出自

天厨獲飲肥甘之美恭懸競觀慶楚天民物咸托

鴻禧熟薦分甘統泃水臣僚均叨

榮遇臣惟有勉循職守益勵歡為念好德必在同民

惟敬事允宜後食九疇敷錫長依

皇極之隆一飯不忘彌凜素餐之戒所有微結感激

下悃謹繕摺叩謝

天恩

奏爲恭謝

天恩事本月十九日蒙

恩各賞貂皮褂一件臣等當卽叩頭祇領訖竊臣等

集腋才踈窺斑識淺廁詞垣而鏘佩榮忝頭銜  
侍

經幄以紆紳慙滋尾續每凜衣裳於在笥深惟偃僕  
以循墻茲復親荷

垂詢咸叨

寵錫被服

君恩之重躬鞠難勝傳宣

帝詔之溫心惶欲汗願絨紉而增愧豈燠吉之能安

臣等惟有禁近趨承講習勉循夫儒服班聯侍

從慎勤仰答夫

宵衣所有感激云

云

臣孫士毅謹

奏為渥邀

錫眷便蕃恭謝

主恩事竊臣仰荷

皇上

天高

地厚之

恩以本年十月係臣七十生辰

特命副都統公豐額濟綸賞捧

御書匾額佛像如意冠服朝珠荷包

恩賞到臣臣自問何人膺斯

寵遇感泣不能自勝即日親詣

宮門叩頭恭謝

聖慈竝敬謹繕摺悚陳感悃伏念臣跡濫竽吹質同

瑕玷匪有寸長可紀惟

宸衷

逾格

矜全竝經屢試無成實午夜捫心悚惕謹蒙

丙召感由

聖度曲包叠飭

濃膏

寵以

禁垣趨直虞裳作繪厠廿二人時亮之功

軒錄陳圖頌

億萬載無疆之慶算 之日月欣逢

壽宇

延洪希履道之耆英總是

天工具養漸增馬齒十年逾花甲之周載

賈洪儀一日拜林王之

賜當小陽春之候蒲柳滋榮仰

無量壽之天

龍瀛并藻凝禧罔替

奎章關錫福之精陳力未能

璧采寓勸忠之訓牟尼一串皈依

佛日光華如意雙幡起舞人天歡喜驥首則榮元服

相慶而渾垂要則荷衫囊乃相為佩狐能集腋

笑絲絨之猶單鶴解鳴陰被服章而有耀沐

主恩之至重循省彌驚非臣分所能安涕洟難禁憶

前此躬親輦鼓徒增悔于感今茲榮被

絲綸倍欽

恩于八直從此提撕生世長銜環草之心龜勉走趨

翼收桑榆之效所有臣感泣難名下悃理合敬

謹繕摺云

臣孫士毅謹

奏為欽奉

寵綸

賞給內城房屋叩謝

主恩事十月二十八日奉

旨賞<sub>臣</sub>孫士毅內城住房欽此<sub>臣</sub>聞

命之下益覺感悚交併謹卽伏地叩頭恭謝

恩施伏念<sub>臣</sub>圭華寒士蓬蒿陋質每思少賤曾牽岸

上之舟卽泊服官未卜槐陰之宅頃者脩員武

部際四門洞達之

朝即奉職樞庭傍九陌康平之軌

德並

天高地厚

瞻。覆。難。名。感。同。夏。長。春。生。芋。寧。攸。賴。班。倖。隨。夫。鶴。鷺。

巢遠異夫鶴鷺曳履敢遲常跂星辰于

北極聽鐘恐後為隣韋杜于南城茲迺謹奉

溫綸

特頒廣宅望

九天于尺五豹直森嚴候七宿于魁三鳥趨踴躍周

廬基布正懷

太乙之垣宣夜籌增始就由庚之室笑齊嬰之近市

未免塵囂鄙衛楚之居家侈臻完善從此身依

日月顧甲第而懼矚高明地邇雲霄矢寅清而愈懷

惕勵退食則杜門却掃不願停戶外之車對客

則溫樹無言庶羣滅袖中之刺以期無慚衾影

承受

幘幪所有臣感激無已下悃敬謹繕摺叩謝



天恩云云

天恩云云  
臣彭元瑞謹  
奏為恭謝  
天恩事本月二十二日奉  
上諭吏部尚書彭元瑞供職內廷勤勞夙夜學問優  
長本日朕至寧壽宮見其所製燈聯莊雅典切現  
在詞臣中無出其右者其協辦漢大學士員缺久  
未備用有人彭元瑞着加恩協辦大學事務尚其  
益勵恭修勉勤職業用副朕造就成全至意欽此  
切臣材如樗櫟地本菰蘆幸生世之遭逢服

臣彭元瑞謹

奏為恭謝

天恩事本月二十二日奉

上諭吏部尚書彭元瑞供職內廷勤勞夙夜學問優  
長本日朕至寧壽宮見其所製燈聯莊雅典切現  
在詞臣中無出其右者其協辦漢大學士員缺久  
未備用有人彭元瑞着加恩協辦大學事務尚其  
益勵恭修勉勤職業用副朕造就成全至意欽此  
切臣材如樗櫟地本菰蘆幸生世之遭逢服

君師之誨育。世年通籍。未臻諳曉于官。聯二紀遊  
門。尚囿顛蒙之末學。仰賴

天慈曲被。

雨化醲施。輒

俯宥其未能。每多方而善誘。綴春鏗之雙柱。悉本  
實政以繪摹排。

壽牒之八庚。猥荷

聖人之筆削。尤屬難邀之遇。獨蒙

至教之加。凡萬端皆出于成全。即寸心頻增其知識。

雖疲鴛施策。原非越塊之貧。而小蹕逢春。益感

垂膏之

德。昨者

恩承曲宴。身侍

清光。秉燭

批章。共仰

乾行之健。伏茵前席。忽沾

解澤之敷。方銓署之多慙。兼榮

內直矧

綸扉之敢望

恩特裏行聞

命而錯愕難去。撫射而愧驚交集。凡

獎諭皆力所未到。凡

訓言真心所厚期。自顧何修足供茲職。

恩輝所照。即為日吉辰良。歲當將更。彌積

天高地厚。臣敢不勤為精白。勵以酬丹受

恩。莫切知。

恩。矢報。曷云能報。感極幾縈于。謀。謝深難達於。語。言云。

臣彭元瑞謹

奏為恭謝

天恩事本月十六日仰蒙

皇上特恩賜<sub>臣</sub>黑狐端罩一件謹叩首祇領竊<sub>片</sub>學

慚集腋業愧雕虫獲依禁近之光久奉

君師之教讀

睿文而鑽仰曾無一得之愚際

昌會以賡揚已屬三生之幸虔擬

寶聯之句勉供翰職之常方懼蕪詞莫名鉅典維

聖人之福德萬古所無斯盛軌之敷陳一言皆實祝  
壽富多男而已得贊

聖神文武之有真慕

天日之形容雖拙工能知其光大寫陽春之韶麗即  
時鳥亦效其聲音殊嫌襲積之未工總出遭逢  
之極盛

褒逾華袞

資重珍裘非夢寐之敢期在階級所未到著來

恩重憶舊服之鵲懸捧出心驚惕微衷于鵲翼云云

光祿寺卿臣陸錫熊謹

奏為恭謝

天恩事內閣奉

上諭光祿寺卿員缺者陸錫熊補授欽此伏念臣佔

俾庸材蓬茅賤質

行廬

授簡早蒙

擢於薇垣機地簪毫遂游陞于蘭省自忝紬書之秘  
職倍邀逾格之

深仁改秩詞曹預槐廳之榮選儷階卿列叨棘寺之崇班撫裏而未効涓埃省已而常懷悚惕再期解職彌深魏闕之思千里返

朝甫奉承明之謁方曠瘼之滋歎乃

優渥之過加

天語親聆俾卽充夫現缺

聖慈

特波遽獲拜夫新銜撫臣分之多慚荷

寵而莫知所措戴

天施之曲沛沾

膏而曾不逾時洵夢寐所難期實感惶之交切臣惟  
有恪勤勵志敬慎在公冀抒葵藿之微忱少報  
生成于

大造所有感激下情謹繕摺恭謝

天恩伏祈

聖鑒臣遞摺後卽遵

旨起程回京供職合并聲明謹

奏

畢沅跪

奏為恭謝

天恩事本月十二日臣欽奉

恩旨

賞穿黃馬褂當即叩頭祇領伏念臣以凡材仰蒙  
殊眷早年釋褐安韋布以潔修  
中禁簪毫荷宮袍而拜

賜憶昔

上蘭述職曾邀鳳翠纓影今茲

行殿承

恩共艷。鷺黃衣染。

鴻施寵逮。允符元吉之喜。占馬上輕披。式秉中央之

正色。宣出際花明。

玉輅春服。攸宜穿來。當柳綻金絲。風華遙映。

榮光被體。彌殷揅

日而心懸。綸采章身。甫慰瞻

雲而感切。輝耀于

屬車豹尾仰作

聖世隆儀。趨承夫

寶匠

龍光貫係。儒丘奇造

崇頒逾格。真叨華衣之榮。術分增慙。益凜素絲之詠

臣惟有冠簪率正。謹慎持躬。安吉常懷。用佩服

衷之訓。涓埃勉効。上酬

幃覆之仁。所有感激。下忱謹繕摺恭謝

天恩伏乞

皇上睿鑒謹奏

彭元瑞跪

奏爲恭謝

天恩事本月二十七日奉

上諭彭元瑞前於侍郎任內遇覃恩例不准請尙書  
封典但念其在公勤勉所有應得封典著加恩准  
其照尙書請封欽此竊臣材庸

遇渥

恩重人微藉俸祿以養身家奉  
教誨以開知識



鴻施不次。蟻感無涯。一從鷺序之聯。屢遇鸞封之賁。

四世而下。邀

恩疊捧夫

龍章七歲而孤。報本獲申於烏帽。欣逢五十年之

慶典。得從正二品之

鳳綸。近荷晉階。已踰隔歲。在驗封之舊例。毋溢叙以

新銜。迺沐

天慈

行加寵錫。臣奉職無似。經事未深。敢曰能勤。空思自

臣朱珪跪

奏為恭謝

天恩事。乾隆五十一年三月二十九日奉

旨。朱珪補授禮部右侍郎。欽此。竊臣才慙樗散。學愧

蟲雕。仰荷

皇上天恩。拔置清華。服官中外。再登侍從。屢典文衡。

珥筆

經帷。懷鉛

綸閣。毋叨榮之稠疊。實無補於涓埃。茲復蒙

恩擢授今職五雲近案踧踖

天語之宣六職分卿晉拜春官之貳顧班聯而

光被莫喻葵傾勉夙夜而冰兢難酬

膏渥臣惟有益加勤慎倍策駑駘以期稍報

高厚鴻慈於萬一所有臣感激下忱謹繕云

効聞

命而固知攸措捫心則何以自安自祖父叨榮追越

百十年之遠卽子孫矢報難盡萬一分之酬闔

室感驚重泉銜結臣愧懼兢奮萬倍恒情爲此

繕摺云

署江撫臣姚 謹

奏為恭謝

天恩事竊臣於本月十五日御蒙  
召見面奏

諭旨令臣即行回任正在束裝起程於十七日蒙

恩賞臣母方氏大緞二疋豐貂六張臣謹叩頭祇領

訖伏念臣母於乾隆五十年五十四年業蒙

特賜

御筆匾額大緞貂皮屢被

恩施時深感戀欣逢

慶節載觀

天顏隨鶴序以嵩呼近

龍光而雀喜仰沐

聖慈之錫類復

頌內府之殊珍彩煥層霄文綺貫魚軒之色溫生愛

日豐紹增翟茀之華溯曩時

雲漢為章久荷褒榮於

鴻藻慶此日

絲綸作會登膺

寵被於南咳拜自

丹廷憶績室鳴機之夜歸陳子舍幸慈闈設悅之期

臚歡實切於全家銜感愈深於五內惟有殫矢

血誠勉竭駑駘以冀稍酬

聖主高厚鴻慈於萬一所有臣感激下忱云云



臣彭元瑞謹

奏為恭謝

天恩事十月二十八日

恩賞臣內城房屋一所臣祇受感激莫可名言竊臣

蓬華微生菰蘆下質忝服官而依陛喜見

聖以遊門天上樓臺被春風於

禁殿學中闢奧沐

時雨於負墻愧授事而未能蝸徒粘壁懼當官之不

稱鵜枉在梁心方慚屋漏之盟志敢萌居安之

覬豈意蓋高之

垂念幸叨厦庇之歡顏俾免僦居兼便曝直播晨  
綸于

西苑得為氓而

仁許受塵曝冬日於南榮將改歲而

恩謀入室容身環堵憶跼江國之牛宮待漏觚稜不

天四隔

禁城之魚鑰蜂房乍啟枝棲獲朝夕之安塾戶能

開蠕動識陽春之德在階級自知未到舉家門

同荷非常維牖迴之

慈深矢宅心而感切戴高履厚敢云圖報於明廷

壽宇福基惟願添籌於海屋所有臣感悚下忱云

Blank page with faint bleed-through text from the reverse side.

臣李綬謹

奏為恭謝

天恩事本月十三日奉到

上諭李綬着加恩在紫禁城內騎馬欽此竊臣三羸

陋質十駕凡林但驚馬齒之加遠游多班之首  
受

恩施於中既屢荷加芻

命侍直於

內庭無能策蹇適蒙優逮時予殊榮人直隨班聯

鑣代步念少日備員柏府屢奏效於乘驄更前  
年較射山莊會拜

恩於賜驥榮與叟宴早荷

寵以扶鳩身到雲衢轉迴思夫重繭矢馳驅而莫效

沐參養以奚酬惟期益勵駑駘謹執銜轡中規

中矩慎

丹地之步趨既庶且閑頌卷阿之

純嘏所有微臣感激下忱謹繕摺具

奏云

大學士

謹

奏為恭謝

天恩事五月丙奉

旨着和坤彭元瑞教習庶吉士欽此竊<sub>臣</sub>等疎蕪寡

學夙鄙無文幸以封菲得依日月仰

重霄之

丹筆文可得聞守四庫之縹函書多未見觀而成化

君以作師獲窺縉紫之小聞總陶鎔於大冶茲復

寵頒新命授課清班際



壽宇之作人先大科而得士飲醇詠德亘萬世而慶  
昌辰學古入官率羣材以歸文治惟有時勤省  
誠共勵廉潔業在慎勤仕而學晉通一貫辭尚  
體要詩與文久集

大成同服膺

發訓之敷勉矢志

渥恩之報所有田等云云

臣彭紹觀謹

奏為恭謝

天恩事本月初九日奉

旨彭紹觀着以原銜充日講起居注官欽此切臣材

質凡庸文詞蕪陋上賴

生成之德累世登沐

殊恩久邀

教育之仁卅載頻膺異數涓埃莫效循省多慚茲復

仰荷

天慈備員

日講身依

禁近得隨豹尾之班職任編摩重厠螭均之列實  
遭逢之獨幸倍感愧於恒情惟有策勵駑駘勤  
慎行走以期仰答

聖主高厚鴻慈於萬一所有微臣感激下忱理合繕

摺

云

賞廓爾喀貢象馬詩墨刻謝摺

王大臣等謹

奏為恭謝

天恩事竊臣等荷蒙

恩賞

御製廓爾喀所貢象馬至京詩以誌事墨刻各一分  
謹叩頭祇頌欽惟我

皇上澤被無疆威稜有截

王師振旅武場七捷鴻勳雲氣磨崖珉炳十全駿烈  
誠歸廓喀籲降儼類於受羈欵納噶箕乞命早

安於伏。皂竇布與賧錢並進。瀝思陳情。山輿偕  
任樂俱登。懷音慕化。猶罔計道塗之修明。更特  
達象馬以遠供。遂致邛徒微艱。獻升少緩。爰紆  
廻於萬里。乃率效於九重。前使已錫厚遣歸後  
賁前經年呈鑑。孔阜孔碩。輶駟垂鼻而銜

恩不驟不馳。踈躑舒蹄而得路。予嘉名以紀盛。下繪  
院以具圖。綏遠謳歌。恒芳誌事。臣等伏稽往牒  
載攷成編。雉嘗獻於越裳。葵亦貢夫西旅。蠻夷  
通道史冊名篇。猗歟休哉。曷乎尚矣。至若唐有

放馴象之賦。漢傳徠天馬之詩。非不美頌詞臣  
艷流樂府。然而德未協乎外徼。僅誇遠涉天章  
功第假於貳師。徒表才呈天驥。詎若

聖天子庚師運策。繼殷武而更深。亥步益疆。闢禹功  
所不到。照輪萬國。物畢獻以成寶。于格爾階。獸  
借遊而率舞。散瑤池於仙仗。久看元會充庭。覲  
太乙於和鸞。悉使右軍歸伍。茲復跨川登嶺。列  
銜騰驥。諸番遁賦。其秣芻異域。同歸於閑廐。在  
聖世不寶遠物。寧侈陳

王會之圖惟

聖人式廓丕基彌

軫念戎行之蹟躡螺旋之仄徑我六軍真天上而來

破蜂聚之重礪彼一部胥釜中而泣星馳電掣

升陴惟事指麾雪滑冰堅履險都忘踵決騰歎

呼於勁旅爭効順以抒忱昭魏煥於

宸章益持盈而示惕宜乎邊陲底貢效珍極航海梯

山允惟

純嘏懋膺

御宇直統天括地今者寶瓶大路象嫺端拱之儀土

勒金羈馬備馳驅之選紀戎置之懷畏幸人德

及餘生鐫

睿藻以寵頒欽仰光垂大武庶承

穹昊知長顯規方分野之謨贊附侍臣願共讀

慎德念功之旨所有臣等感幸下情敬合詞繕摺具

奏恭謝

天恩伏祈

皇上

聖明

睿鑒謹

奏

奏  
臣等謹將  
所擬  
章程  
恭摺  
呈請  
聖鑒  
訓示  
謹奏

